

**Broj: 01-05-6-03111/2018-3**  
**Sarajevo, 29.06.2018. godine**

Na osnovu člana 69. stav (1) tačka b) i stav (2) tačka e), člana 70. st. (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke broj 01-05-6-03111/2018-2 od 28.06.2018. godine, Direktor Federalne uprave za inspekcijske poslove, u ime ugovornog organa donosi

**O D L U K U**  
**o poništenju postupka**  
**javne nabavke goriva i tečnosti za vjetrobarska stakla**

**Član 1.**

Poništava se otvoreni postupak uz primjenu e-aukcije za javnu nabavku goriva i tečnosti za vjetrobarska stakla za službena vozila Federalne uprave za inspekcijske poslove za koji je obavještenje o javnoj nabavci broj: 1292-1-1-12-3-8/18 objavljeno u Službenom glasniku broj 38/18 dana 08.06.2018. godine, a na Portalu javnih nabavki BiH dana 07.06.2018. godine.

**Član 2.**

Ova odluka će se objaviti na web stranici Federalne uprave za inspekcijske poslove, istovremeno sa upućivanjem iste ponuđaču koji je učestvovao u postupku javne nabavke, u skladu s članom 70. stav (6) Zakona o javnim nabavkama Bosne i Hercegovine.

**Član 3.**

Ova odluka stupa na snagu danom donošenja.

**O b r a z l o ž e n j e**

Postupak nabavke goriva i tečnosti za vjetrobarska stakla za vozila Federalne uprave za inspekcijske poslove je pokrenut Odlukom Direktora Uprave broj 01-05-6-03111/2018 od 05.06.2018. godine. Vrsta postupka-otvoreni postupak uz primjenu „e-aukcije“. Evidencijski broj nabavke iz Plana nabavki uprave za 2018. godinu: robe-redni broj 3, oznaka i naziv iz JRJN: 09100000-0. Broj obavještenja o nabavci: 1292-1-1-12-3-8/18 objavljeno u Službenom glasniku broj 38/18 dana 08.06.2018. godine. Obavještenje i tenderska dokumentacija objavljeno na Portalu javnih nabavki BiH dana 07.06.2018. godine.

Komisija za javne nabavke uprave je dana 28.06.2018. godine sa početkom u 10,15 sati izvršila javno otvaranje ponuda, te je tom prilikom sačinjen zapisnik sa otvaranja ponuda broj 01-05-6-03111/2018-1 od 28.06.2018. godine, u skladu sa odredbama Zakona o javnim nabavkama Bosne i Hercegovine („Službeni glasnik BiH“, broj 39/14) i podzakonskim aktima. Prilikom javnog otvaranja ponuda komisije je konstatovala je da je u ostavljenom roku do 28.06.2018. godine do 10,00 sati pristigla jedna ponuda i to ona koju je dostavio ponuđač “Hifa-Petrol” d.o.o. Sarajevo, ponuda broj JN-2980/18, sa ukupnom cijenom ponude od 107.745,00 KM bez PDV-a, odnosno 126.061,65 KM sa uračunatim PDV-om. Ponuđač nije dao popust na ponuđenu cijenu.

U daljem toku postupka Komisija je izvršila uvid u ponudu navedenog ponuđača, te je tom prilikom konstatovala da je ponuđač „Hifa-Petrol“ d.o.o. Sarajevo dostavio urednu dokumentaciju kojom dokazuje ispunjavanje formalno pravnih uslova za učestvovanje u postupku javne nabavke i da ne postoje razlozi za odbacivanje ponude ovog ponuđača iz navedenog razloga.

Nakon toga je komisija pristupila provjeri računске ispravnosti dostavljene ponude i nije utvrdila bilo kakve nedostatke u smislu nepravilnog izračuna cijena datih u ponudi.

Obzirom da se u konkretnom slučaju radi o otvorenom postupku uz primjenu e-aukcije i da je primljena jedna ponuda, komisija je konstatovala da se postupak e-aukcije neće zakazivati u skladu sa odredbom člana 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) koja propisuje da: „u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama Bosne i Hercegovine“.

U daljem toku postupka, Komisija je pristupila ocjeni ponude sa aspekta ponuđene cijene, te je tom prilikom utvrdila da je ponuđač robe koje su predmet postupka ponudio po slijedećim jediničnim cijenama:

- Euro-dizel, jedinična cijena po litru bez PDV-a 1,97 KM, odnosno sa PDV-om 2,305 KM
- Benzin BMB-95, jedinična cijena po litru bez PDV-a 1,98 KM, odnosno sa PDV-om 2,3166 KM
- Tečnost za vjetrobranska stakla (-30°C), jedinična cijena po litru tečnosti bez PDV-a 2,13 KM, odnosno sa PDV-om 2,49 KM.

Komisija je imajući u vidu naprijed navedeno utvrdila da je ponuđač ponudio maloprodajne cijene koje su aktuelne na benzinskim stanicama i da nije ponudio popust koji bi bio fiksna i primjenjivao se u toku trajanja ugovora bez obzira na važeću maloprodajnu cijenu goriva, što je definisano u tački 16. Tenderske dokumentacije. Komisija je također konstatovala da su u prethodnim godinama ugovori koji su zaključivani sa dobavljačima uvijek propisivali značajnu visinu popusta na maloprodajnu cijenu goriva, što u ovom postupku nije slučaj. Komisija je cijenila i činjenicu da ugovorni organ u toku ugovorenog perioda planira nabaviti znatne količine goriva (skoro 60000 litara) kao i cca 500 litara tečnosti za vjetrobranska stakla, što je jasno utvrđeno tenderskom dokumentacijom. Slijedom navednog komisija je zaključila da bi zaključivanjem ugovora sa maloprodajnim cijenama predmetnih roba na benzinskim pumpama doveo u pitanje poštivanje jednog od osnovnih principa utrđenog Zakonom o javnim nabavkama BiH koji u članu 3. propisuje obavezu organa da osigura nejefikasnije korištenje javnih sredstava u vezi sa predmetom nabavke i njegovom svrhom. Isto tako, komisija je zaključila da je cijena ponude znatno veća od osiguranih sredstava za predmetnu nabavku, što je razlog za poništenje postupka javne nabavke propisan članom 69. stav (2) tačka e) Zakona o javnim nabavkama BiH,

Slijedom svega naprijed navedenog, komisija za javne nabavke je direktoru uprave dostavila preporuku broj 01-05-6-03111/2018-2 od 28.06.2018. godine kojom je predloženo da donese odluku kojom će poništiti postupak javne nabavke.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

Dostaviti: 06-07-2018

1. „Hifa-petrol“ d.o.o. Sarajevo, Hotonj bb, 71320 Vogošća
2. Sektor za tehničku podršku i plansko- analitičke poslove
3. Komisija za javne nabavke (a/a).

Sarajevo, Fehima ef. Čurčića br.6, Tel: ++387 33 563 360, Fax: +387 33 563 361

DIREKTOR

Anis Ajdinović

